

প্রতিবস্তুপন্নান্ন সংজ্ঞা :

ছই খত্তর বাক্যের উপমায় প্রকৃতবাক্যে এবং অপ্রকৃতবাক্যে ছবার প্রকাশিত সাধারণ ধর্ম যদি বস্তু-প্রতিবস্তুভাবাপন্ন হয়, তাহলে অলঙ্কার হয় প্রতিবস্তুপমা। (বস্তু—বাক্যাংশের অর্থাৎ পদ বা পদগুচ্ছের অর্থ।)

প্রতিবস্তুপমা অলঙ্কারে উপমেয়বাক্যে উপমেয়ের যে ধর্মটি উল্লিখিত থাকে, সেইটিই সত্যকার সাধারণ ধর্ম অর্থাৎ উপমেয় উপমান ছয়েরই ধর্ম এবং সেইটিই বস্তু, কারণ উপমেয়বাক্যটিই প্রকৃত, কবির মূল বস্তুব্য, অতএব অপরিহার্য। উপমানবাক্য অপ্রকৃত, গোণ; এর ধর্ম সম্পূর্ণরূপে উপমেয়েরই ধর্ম, ভাষাটি শুধু ভিন্ন এবং এই কারণেই এটি ওই বস্তুর প্রতিবস্তু। আমাদের দ্বিতীয় উদাহরণে (‘সৌন্দর্য তোমার……’) ‘কয়টি’—বেশী নয়, ৩৬৫টি রাজির মধ্যে বারোটি = ‘বিরল’। তাৎপর্যে ‘বিরল’ অর্থাৎ উপমান-সাধারণধর্ম তাৎপর্যে উপমেয়-সাধারণধর্ম—ভাষায় অল্প, অর্থে এক। ‘বিরল’ হ’ল বস্তু আর ‘কয়টি’ হ’ল ওই বস্তুর প্রতিবস্তু। এরই নাম সাধারণ ধর্মের বস্তুপ্রতিবস্তুভাব। ‘প্রতিবস্তু’ কথাটিতে এখানে নিত্যসমাস—বস্তুতে সমাহিত ইতি প্রতিবস্তু নিত্যসমাস। এই দৃষ্টিতে উদাহরণটিকে বিশ্লেষণ করি—বস্তুতে অর্থাৎ উপমেয়-সাধারণধর্মে (i—‘অক্ষুণ্ণ চেয়ে রই’, ii—‘বিরল’) সমাহিত অর্থাৎ তাৎপর্যে একরূপতা লাভ ক’রে ওই বস্তুরই মধ্যে লীন যে উপমান-সাধারণধর্ম (i—‘কছু আঁখি ফিরিয়ে কি আনে?’; ii—কয়টি), সে প্রতিবস্তু।

একটা কথা এই প্রসঙ্গে মনে রাখা উচিত যে প্রতিবস্তুপমায় “উপমেয় ও উপমানে বস্তু-প্রতিবস্তু সম্বন্ধ থাকে” না, থাকে শুধু সাধারণ ধর্মে এবং “প্রতিবস্তুপমা উপমার প্রতিবস্তু” নয়। অলঙ্কারের নাম প্রতিবস্তুপমা—প্রতিবস্তু+উপমা; সমাস ভাঙলে হয় প্রতিবস্তুর দ্বারা ত্রোড়িত উপমা (মধ্যপদলোপী কর্মধারয়)। অপ্রকৃতে ধর্মটির ভিন্ন ভাবারূপ থাকায় সে যে প্রকৃতির ধর্মের সঙ্গে এক, তা বুঝতে হয় তাৎপর্যে। ঐকরূপ্যটি বাচ্য নয়, গম্য; পঞ্চটি ঋজু নয়, বক্র। এই প্রতিবস্তুরচনাতেই কবিমানসের লীলা-বৈচিত্র্যের প্রকাশ। প্রতিবস্তুই উপমেয় নিয়ন্তা। এই কারণেই অলঙ্কারের নামকরণে প্রতিবস্তুকে মূল্য দিয়ে তারই সঙ্গে যুক্ত করা হয়েছে ‘উপমা’ কথাটিকে।

বস্তুর এবং বিভিন্নদৃষ্টির প্রতিবস্তুর ব্যাখ্যা এইখানে শেষ করলাম।

এখন উদাহরণ দিয়ে দেখিয়ে দিই

সাধারণ পূর্ণোপমা কেমন ক'রে ক্রমবিবর্তনের পথে পরিণতি লাভ করে প্রতিবস্তুপমায় :

(ক) সাধারণ পূর্ণোপমা :

‘সাপুর চিত্ত চিরনির্মল যমুনাজলের মতো।’—শ. চ.

(একবাক্য)

(খ) অসাধারণ পূর্ণোপমা—নিম্ন শ্রেণীর :

‘চিরনির্মল সাপুর চিত্ত চিরসুবিমল যমুনাজলের মতো।’—শ. চ.

(একবাক্য)

(গ) অসাধারণ পূর্ণোপমা—নিম্নমধ্যম শ্রেণীর :

‘চিরনির্মল সাপুর চিত্ত সদা

নিষ্কলঙ্ক যমুনাজলের মতো।’—শ. চ.

(একবাক্য)

(ঘ) অসাধারণ পূর্ণোপমা—মধ্যম শ্রেণীর :

‘চিরনির্মল সাপুর চিত্ততল,

নিত্য নিষ্কলঙ্ক যেমন রয়ে যমুনার জল।’—শ. চ.

(দুটি উপবাক্য, ‘যেমন’ এদের মিলিয়ে একবাক্য করেছে।)

(ঙ) অসাধারণ পূর্ণোপমা—উত্তম শ্রেণীর :

‘চিরনির্মল সাপুর চিত্ততল,

কলঙ্কছায়ামুক্ত যেমন নিত্য যমুনাজল।’—শ. চ.

(দুটি উপবাক্য, ‘যেমন’-যোগে একবাক্য।)

—(খ) থেকে (ঙ) পর্যন্ত প্রত্যেক উদাহরণটিতে স্ক্রাঙ্করে মুদ্রিত

সাধারণ ধর্ম বস্তু-প্রতিবস্তুভাবাপন্ন ;

এই কারণে এদের পূর্ণোপমাকে অসাধারণ বলেছি (‘উপমা’ অলঙ্কারের স্ব চিহ্নিত প্রকারভেদ দ্রষ্টব্য)।

উপরের (ঙ)-চিহ্নিত রূপটির স্বাভাবিক পরিণতি—

(চ) প্রতিবস্তুপমা :

‘নির্মলতার নিত্যবসতি সাপুর চিত্ততলে।

কলঙ্ক কভু ছায়াও না ফেলে পুণ্য যমুনাজলে।’—শ. চ.

—‘কলঙ্ক কভু ছায়াও না ফেলে’=কখনো কলঙ্কের আভাসটুকু পর্যন্ত লাগে না=নিষ্কলঙ্কতার চিরবিরাজমানতা=‘নির্মলতার নিত্যবসতি’।

দ্রষ্টব্য : বস্তু-প্রতিবস্তু এবং বিশ্ব-প্রতিবিশ্বসম্বন্ধে বথাসম্ভব প্রমাণ-প্রয়োগসহকৃত একটি বিস্তৃত আলোচনা সংযোজিত করেছি 'নিদর্শনা' অলঙ্কারের পরে একটি পরিশিষ্টে, যার শিরোনামে লেখা আছে 'বস্তু-জিজ্ঞাসুদের জগৎ'।

বিশ্ব-প্রতিবিশ্ব

সাধারণ উপমায় প্রকৃতির (উপমেয়ের) এবং অপ্রকৃতির (উপমানের) একই ধর্ম, একই ভাষায় তার প্রকাশ।

অসাধারণ উপমায় পথ দুটি :

(ক) প্রকৃতির এবং অপ্রকৃতির ধর্ম একই। প্রকৃতির সঙ্গে যে-ধর্মটি দেখা যায়, অপ্রকৃতিরও ধর্ম সেইটিই; অপ্রকৃতে ধর্মের ভাষারূপটি শুধু ভিন্ন। প্রকৃতির ধর্ম বস্তু, অপ্রকৃতির ভাষাসত্তরে ওই ধর্মই প্রতিবস্তু। এইভাবে অসাধারণ উপমারই দৈবাকৃতিক পরিণতি প্রতিবস্তুপমা।

(খ) প্রকৃতির বা ধর্ম, তার থেকে সম্পূর্ণরূপে বিভিন্ন অপ্রকৃতির ধর্ম—শুধু ভাষারূপ নয়, ধর্ম স্বয়ংই স্বতন্ত্র। প্রকৃতির ধর্ম যদি হয় 'এক্স', অপ্রকৃতির হবে 'এয়াই'; উভয়ের অর্থগত ঐক্য একেবারেই থাকে না; থাকে শুধু একটা ভাবগত সাদৃশ্য, তাও আবার আবিষ্কার ক'রে নিতে হয় ব'লে আচার্য্যরা তাকে বলেছেন 'প্রণিধানগম্য সাম্য'। প্রকৃতির সঙ্গে যে-ধর্মটি থাকে, সে হ'ল বিশ্ব আর অপ্রকৃতির ধর্মটি প্রতিবিশ্ব। এইভাবে অসাধারণ উপমারই দৈবাকৃতিক পরিণতি দৃষ্টান্ত অলঙ্কার ('উপমা' অলঙ্কারের ঙ্গ-চিহ্নিত প্রকারভেদ দ্রষ্টব্য)।

'সাধারণ ধর্ম' মানে প্রকৃত অপ্রকৃত হুয়েরই বা সাধারণ সম্পত্তি। হুয়েরই মধ্যে বর্ধম্ভ' থেকে এই এক ধর্ম দুটির সাদৃশ্য দেখিয়ে দেয়। কিন্তু যেখানে প্রকৃত অ ত হুয়ের ধর্ম হুরকম, সেখানে সাদৃশ্যায়ক অলঙ্কার হয় কেমন ক'রে? 'নফথা গোঁথে গোঁথে এ প্রপ্নের উত্তর দেওয়ার চেষ্টা না ক'রে অসাধ মল্লীমার নূতন একটি উদাহরণের ব্যাখ্যার পথে চলি। পথটা অনেকটা স্তোত্রাক্রম, তুলনাবাচক শব্দ উপস্থিত থাকায় প্রকৃত-অপ্রকৃত যে উপমেয়-উপজয়দেব, তবু কষ্ট ক'রে বুঝতে হবে না; তাছাড়া, এখান থেকে 'দৃষ্টান্ত' বললে সুধাবরণ' আটিও অনেকটা সোজা।

(i) হ, কারণ প্রথমটির স্ববিন্দু

টি ধ্বনিবাহকার এবং একেসরে শিশিরকণার মতো।'—শ. চ.

এক জায়গায়—হৃদয়ে এবং করছে একটি কাজ—আনন্দদান। হৃদয়ে এই আনন্দদানের ভিত্তিতে এরা হ'য়ে উঠেছে সদৃশ। এখন বলতে পারি : 'অমৃতধারা বরিশণ করি চলে মোর কানে' এবং 'হরি' লয় আঁখির পলক মম' বিষমপ্রতিবিম্বভাবে সাধারণ ধর্ম, উপমেয় 'গীতগোবিন্দ' এবং উপমান 'মল্লী'। তুলনাবাচক শব্দ—'যেমন তেমনি'। এরই স্বাভাবিক পরিণতি হই স্বাধীন বাক্যের অলঙ্কার—

(iii) 'জয়দেব, তব গীতগোবিন্দ, না-ও যদি বৃষ্টি মানে,
তবু অমৃতের ধারা বরিশণ করি চলে মোর কানে।

না-ও যদি দেয় মধুর তাহার সৌরভ অরুপম,

মল্লিকা তবু হরি লয় দুটি আঁখির পলক মম ॥' —শ. চ.

—(ii)-চিহ্নিত উদাহরণে 'যেমন-তেমনি' স্পষ্ট জানিয়ে দিয়েছে যে 'মল্লী' উপমান, 'গীতগোবিন্দ' উপমেয়। এইটুকু জেনেই মন সক্রিয় হ'য়ে উঠেছে সাধারণ ধর্ম আবিষ্কার করতে। বর্তমান উদাহরণে বাক্যদুটি স্বতন্ত্র হওয়ায় অলঙ্কার আপাতদৃষ্টিতে দেখা যায় না। মনে যে প্রমত্তি প্রথমই জাগে সে হ'ল এই : কবি বলছেন গীতগোবিন্দের কথা; হঠাৎ অপ্রাসঙ্গিক 'মল্লিকা'কে তিনি আনলেন কেন? তখন মল্লিকার কাজটির (function) দিকে নজর পড়ল—'হরি লয় দুটি আঁখির পলক মম'; সঙ্গে-সঙ্গেই দৃষ্টি ফিরল গীতগোবিন্দের কাজের দিকে—সে 'অমৃতের ধারা বরিশণ করি চলে মোর কানে'। সহজ কথায়, একটি কান জুড়িয়ে দিচ্ছে, অণ্ডটি চোখ জুড়িয়ে দিচ্ছে অর্থাৎ একটি কানের ভিতর দিয়ে এবং অণ্ডটি চোখের ভিতর দিয়ে কবির মরমে প্রবেশ ক'রে আকুল করছে তাঁর প্রাণ—কবিকে দিচ্ছে আনন্দ। মন এইটুকু যখন আবিষ্কার করল, তখন তার বুঝতে বাকী রইল না যে গীতগোবিন্দ আর মল্লিকার কবিপ্রকাশিত কাজদুটি যতই বিভিন্ন হোক, এক জায়গায় ওদের মিল রয়েছে—আনন্দদান অর্থাৎ এক আনন্দ কবির কাছে আসছে বিভিন্ন পথে ও রূপে; স্বভিন্ন পথ ও রূপ-দুটির বিভিন্নতাসত্ত্বেও একটা দুরগত প্রণিধানগম্য ভাবসাদৃশ্য রয়েছে ওদের মধ্যে। এই দৃষ্টিতে, 'অমৃতের ধারা……কানে' আর 'হরি লয়……পলক মম' বিষমপ্রতিবিম্বভাবে সাধারণ ধর্ম। এই দুটিকে সাধারণ ধর্ম ব'লে বুঝতে পারার পরে উপলব্ধ হ'ল এই দুই কাজের (ধর্মের) কর্তা-দুটিও অর্থাৎ গীতগোবিন্দ আর মল্লিকাও

পরস্পরের সদৃশ অর্থাৎ গীতগোবিন্দ উপমেন্ন, মল্লিকা উপমান।
সুতরাং গীতগোবিন্দ আর মল্লিকাও বিশ্বপ্রতিবিম্বভাবাপন্ন—উপমেন্ন-
উপমান। সংক্ষেপে, বাক্যত্বটি বিশ্বপ্রতিবিম্বভাবাপন্ন।

প্রতিবস্তুপমা আর দৃষ্টান্ত—পার্থক্য :

প্রথমে দেখিয়ে দিই এদের মিলটুকু—

- (১) দুটিই দুই স্বাধীন বাক্যের অলঙ্কার ;
- (২) বাক্যত্বটির মধ্যে যে উপমায়ক সম্পর্ক আছে, তা স্পষ্ট নয়, বুঝে নিতে হয় অর্থাৎ বাচ্য নয়, প্রতীয়মান ;
- (৩) সাদৃশ্য স্পষ্ট নয়, কারণ এদের মধ্যে তুলনাবাচক শব্দ থাকে না ; থাকলে বাক্য আর দুটি থাকে না ; একটি হ'য়ে যায় ;
- (৪) সাধারণ ধর্মের উল্লেখ দুই বাক্যেই থাকে, তবে পৃথক্ ভাবে।

এইটুকুতে অলঙ্কারত্বটির মিল।

পার্থক্য গুরুতর :

প্রতিবস্তুপমা—প্রকৃতির যে ধর্ম, অপ্রকৃতিরও সেই ধর্ম অর্থাৎ **দুইয়েরই ধর্ম এক**। প্রকৃতসূত্রে প্রকাশিত ধর্মটিই অপ্রকৃতে ভিন্ন ভাষাভঙ্গীতে প্রকাশ করা হয়। **ধর্মের ঐক্যই** এখানে বড়ো কথা।

দৃষ্টান্ত—প্রকৃতির যে ধর্ম, সে ধর্ম অপ্রকৃতির নয় ; **ধর্ম দুটি**। এ অবস্থায় **ধর্মত্বটির ঐক্য কল্পনার অভীত**। তবু এই দুই ধর্মের মধ্যে একটা দূর সাম্য বা সাদৃশ্য সূক্ষ্ম দৃষ্টিতে দেখলে আবিষ্কার করা যায়। **প্রতিবস্তুপমায় ভিন্ন প্রকাশরূপে ধর্মের ঐক্য ; দৃষ্টান্তে সম্পূর্ণ বিভিন্ন ধর্মের প্রণিধানগম্য ভাবসাদৃশ্য**।

(i) 'ভোগবিনিময়ে দান কে কোথায় করিযাছে এ জীবন ?

কাচ ল'য়ে কেহ বিক্রয় নাহি কবে কভু কাঞ্চন।' —শ. চ.

এই কবিতাটির প্রথম স্বাধীন বাক্যে 'বিনিময়ে দান' আর দ্বিতীয় স্বাধীন বাক্যে 'বিক্রয়' ভাষারূপে ভিন্ন কিন্তু **অর্থে এক**। কবির কাজ এখানে 'জীবন'কে নিয়ে, 'কাঞ্চন'কে নিয়ে নয় ; সুতরাং 'জীবন' প্রকৃত, 'কাঞ্চন' অপ্রকৃত। তবু কাঞ্চনকে যখন এনেছেন তিনি, তখন জীবনের সঙ্গে তার একটা সম্বন্ধ নিশ্চয় আছে। যদি তিনি বলতেন—

'ভোগবিনিময়ে দান করে কে জীবন ?

কাচবিনিময়ে দান কে করে কাঞ্চন ?' —শ. চ.